

Na osnovu člana 2.2., 2.3., 2.12. i 2.15. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/2008, 32/2010, 48/2011 - odluka US, 63/2011 - odluka US, 18/2013, 7/2014, 31/2016, 54/2017 - odluka US, 41/2020, 38/2022, 51/2022, 67/2022, 24/2024 i 24/2024 - ispr.), člana 7. stav (1) tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24) i člana 25. Statuta Grada Srebrenik („Službeni glasnik Grada Srebrenik“, broj: 1/24), Gradsko vijeće Srebrenik objavljuje:

J A V N I O G L A S

za imenovanje jednog člana Gradske izborne komisije Srebrenik

Objavljuje se Javni oglas za imenovanje jednog člana Gradske izborne komisije Srebrenik.

Uslovi koje kandidati za člana Gradske izborne komisije moraju ispunjavati:

I OPĆI USLOVI (propisani članom 2.2. Izbornog zakona BiH):

1. član izborne komisije je lice sa pravom glasa i
2. član izborne komisije je lice sa odgovarajućom stručnom spremom i iskustvom u provođenju izbora.

II POSEBNI USLOVI

Pored općih uslova propisanih članom 2.2. Izbornog zakona BiH, član Gradske izborne komisije mora ispunjavati i posebne uslove:

- a) da ima prebivalište na području Grada Srebrenik,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo o provođenju izbora.

III ISKUSTVO

Pod iskustvom o provedenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima za organe vlasti u BiH,
- c) obavljanje dužnosti sekretara izborne komisije,
- d) obavljanje poslova službenika centra za birački spisak,
- e) obavljanje poslova kontrolora izbornih rezultata,
- f) obavljanje rukovodnih dužnosti u Glavnom centru za brojanje (direktor i zamjenik direktora),
- g) obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

IV IZUZECI

Izuzetno od tačke II b) ovog Oglasa, član izborne komisije može biti lice koje ima IV/V/VI stepen stručne spreme ukoliko se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14. stav (1) Izbornog zakona BiH.

Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva iz člana 2 stav (1) tačka c) i stava (2) Uputstva.

V ČLANSTVO U IZBORNOJ KOMISIJI

- A. Član izborne komisije može biti predsjednik ili sudija redovnog suda, pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.
- B. Za člana Izborne komisije **ne može biti imenovano lice** (član 2.3 Izbornog zakona BiH i član 4. stav (2) pomenutog Uputstva):
1. koje se ne može kandidirati u smislu odredbi člana 1.6; 1.7. i 1.7.a) Izbornog zakona BiH,
 2. koje je član najvišeg izvršno-političkog organa, političke stranke ili koalicije
 3. (predsjednik, potpredsjednik, generalni sekretar ili član izvršnog odbora ili glavnog odbora),
 4. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav (4) Izbornog zakona BiH,
 5. koje je kandidat za izbore za bilo koji nivo vlasti,
 6. kojem je izrečena kazna za radnju koja predstavlja težu povredu Izbornog zakona i propisa za koje je lično odgovorno u posljednje 4 godine računajući od dana pravosnažnosti odluke i
 7. koje obavlja izvršnu funkciju, kako je utvrđeno odredbom člana 1.1a Izbornog zakona BiH, niti lice koje je aktuelni kandidat ili je bilo kandidat za bilo koji nivo vlasti na posljednjim općim i/ili posljednjim lokalnim izborima.
 8. Za člana izborne komisije ne može se imenovati osoba koja je osuđena od strane bilo kog domaćeg i međunarodnog suda za zločin genocida, zločine protiv čovječnosti ili ratne zločine.

VI SASTAV KOMISIJE

Gradska izborna komisija Srebrenik broji pet članova (predsjednik i ostala četiri člana).

Sastav Gradske izborne komisije treba biti multietničan tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou (član 2.14 stav (1) Izbornog zakona BiH).

VII TRAJANJE MANDATA

Mandat članova Izborne komisije traje 7 (sedam) godina i teče od dana davanja saglasnosti Centralne izborne komisije BiH na rješenje Gradskog vijeća o imenovanju Izborne komisije po ovom Javnom oglasu.

VIII INTERVJU I KRITERIJI ZA BODOVANJE KANDIDATA

Po zatvaranju javnog oglasa, Konkursna komisija će izvršiti klasifikaciju kandidata na one koji ispunjavaju uslove tražene javnim oglasom i na one koji ne ispunjavaju, o čemu sačinjava zapisnik (Prilog 1 Uputstva).

Konkursna komisija je obavezna obavijestiti preporučenom poštom sve prijavljene kandidate o rezultatima izvršene klasifikacije. Kandidati čija je prijava odbačena ili odbijena mogu podnijeti prigovor Gradskom vijeću, u roku od dva dana od prijema obavijesti. Gradsko vijeće će postupiti po dostavljenom prigovoru do održavanja stručnog testiranja s kandidatima.

Konkursna komisija dostavlja pisani poziv kandidatima koji ispunjavaju uslove propisane javnim konkursom koji obavezno sadrži datum i termin zakazanog stručnog testiranja.

Poziv za testiranje se dostavlja preporučenom poštom, e-mailom ili putem telefaks aparata najkasnije 3 (slovima: tri) dana prije dana održavanja stručnog testiranja. Kandidati koji se ne odazovu stručnom testiranju diskvalificiraju se iz daljnjeg postupka.

Stručno testiranje sastoji se iz pismenog i usmenog dijela (intervju).

Konkursna komisija provodi intervju sa svim kandidatima koji su pristupili stručnom testiranju odmah po završetku pismenog dijela testiranja i bodovanja testova.

Konkursna komisija sačinjava rang-listu sa redoslijedom kandidata prema uspjehu i podnosi pisani izvještaj nadležnom organu o provedenom postupku kvalifikacije kandidata i prijedlog rang-liste.

Konkursna komisija obavještava kandidate putem oglasne ploče o dodijeljenim bodovima prema svim kategorijama i predloženoj rang-listi. Kandidati mogu uložiti prigovor Gradskom vijeću na izvršeni postupak bodovanja. Gradsko vijeće postupa po prigovoru do donošenja akta o imenovanju člana izborne komisije.

Gradsko vijeće Srebrenik, cijeneći položaj kandidata na rang listi, donosi rješenje o imenovanju člana izborne komisije i dostavlja ga Centralnoj izbornoj komisiji na saglasnost.

IX POTREBNA DOKUMENTACIJA

- prijava na javni oglas (sa adresom i kontakt telefonom),
- ovjerena fotokopija lične karte,
- dokaz o stručnoj spremi kandidata odnosno ovjerena fotokopija diplome o završenom stepenu i vrsti stručne spreme,
- dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji CIK-a BiH, priznanja CIK BiH za rad u izbornoj administraciji za kandidate - učesnike Oglasa koji su pravni stručnjaci sa iskustvom u provedbi izbora i/ili izborni stručnjaci, ukoliko kandidat ima pravo na dodatno bodovanje [član 11. Stav (1) točka b) Uputstva)],

- dokaz o izbornom iskustvu kandidata u smislu člana 2. stav (2) tačka a) do f) ovog Uputstva, odnosno: za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatnom periodu; za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani kandidat bio u članstvu biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost; za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa;,
- obrazac PBA-3 ili PBA-4 o prebivalištu, ne stariji od 3 mjeseca od dana izdavanja (izdat od strane CIPS-a),
- izjava o nacionalnom izjašnjavanju kandidata – imenovanog člana izborne komisije sa posljednjeg popisa stanovništva u Bosni i Hercegovini, svojeručno potpisana i ovjerena kod nadležnog organa [član 13. stav (1) tačka g) navedenog Uputstva (Prilog 7 Uputstva)] i
- ovjerena i svojeručno potpisana izjavu imenovanog člana izborne komisije da nije obuhvaćen odredbama člana 1.7b, 2.3 i 2.12 stav (7) Izbornog zakona BiH (Prilog 6 Uputstva).

X PODNOŠENJE PRIJAVA

Rok za podnošenje prijave na javni oglas je 8 (osam) dana od dana objavljivanja na web stranici Grada Srebrenik - www.srebrenik.ba.

Prijave za ovaj Javni oglas sa potrebnim dokazima o ispunjavanju uslova dostaviti putem Stručne službe Gradskog vijeća ili preporučenom poštom na adresu u zatvorenim kovertama:

GRADSKO VIJEĆE SREBRENİK
Konkursna komisija za izbor jednog člana Gradske izborne komisije
Ul. Ibrahima Salihovića bb
75350 Srebrenik

Sa naznakom “**Javni oglas za imenovanje jednog člana Gradske izborne komisije -ne otvaraj**“

XI NAPOMENE

Nepotpune i neblagovremene prijave neće biti uzete u razmatranje.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradsko vijeće-

PREDSJEDAVAJUĆI
GRADSKOG VIJEĆA

Nisvet Sejdinović

Broj: 01-04-101-3/25
Srebrenik, 27.02.2025.godine